

iii<sup>c</sup> iii<sup>xx</sup> xv

(...)

Accord, Sicard, Caillason, Cade  
Gourmanelz

Comme ainsi soict, que **jean caillason filz a feu ambroize, hugues cade** du lieu **du born & raymond et( )jeanne gourmanelz fre(re) et( )soeur** du lieu **de montvalen** viscomté de villemur en qualitte de **filz et her(it)iers** scavoir **led(it) caillason de fuee guillalmette salesses, led(it) cade de fuee marye salesses a lesd(it) gourmanelz d'autre guillaumette salesses plus jeune soeurs de feu anthoine salesses** du mazage **des salesses** dans lad(ite) viscomté, eussent forme instance en la cour de

.....  
monsieur le sen(ech)al de th(ou)l(ous)e a l'encontre de manaud sicard laboureur dud(it) monvalen en desistat et delaissem(en)t des biens deppendans de l hereditte de fuee marye salesses femme dud(it) sicard tenus et( )possedés par icelluy sicard en consequence du testament par elle fait en sa faveur rettenu par m(aîtr)e **corbeille notaire de montvalen** ]le seiziesme febvrier[ **vingt sixie(me) febvrier mil six cens vingt quatre,** a laquelle instance toutes partyes se sorioient p(rese)ntes et a( )suitte par **contract** rettenu par moy not(air)e royal soubz(sign)e **le quinziesme** jour de **juin** moys **courant** auroient remis et arbitré leur differant a messieurs m(aîtr)e jean anthoine dispan con(seill)er du roy et( )son juge en la present ville et( )viscomte de villemur & m(aîtr)e david manne docteur en droictz advocat en la cour lesquelz par leur **sentence arbitralle du dix huictiesme dud(it) moys de juin** auroient adjudés les biens et hereditté de lad(ite) marye salesses ausd(its) cade caillason et gourmanelz suyvant la substitu(ti)on appozée au **testament** dud(it) feu anthoine salesses son pere **rettenu par m(aîtr)e raymond mossier notaire de tauriac le vingt neufiesme novambre mil cinq cens quatre vingtz deux** & ce faisant condamné led(it) sicard a leur en laisser la poss(ess)ion vuide, distraict d( )iceux biens le droict de legitime et quarte trebelianique qu'ilz auroient adjudée aud(it) sicard, de laquelle sentance icelluy

sicard auroict rellevé appel en la souveraine  
cour de parlement dud(it) th(oulous)e & en icelle faictz  
assigner lesd(its) caillason, cade et gourmanelz  
sy que toutes partyes estant sur le point de  
se presenter a lad(ite) assigna(ti)on, par l entremise de  
certains leurs communs amis desirant de( )vivre  
en paix & pour obvier a( )proces & a divers  
grandz frais qu'en consequant ilz seroient  
constrainedtz d'exposer, se seroient accordés ensemble  
tellement qu'il ne restoict que d'en faire et  
passer le contract requis c est pourquoy  
est il, que l **an mil six cens vingt  
quatre** et le **vingt sixiesme** jour du moys  
de **juin** apres midy dans la boutique de  
moy notaire royal soubz(sig)ne en la ville de **villemur**  
diocese bas montauban et( )seneschaucée de( )th(ou)l(ous)e  
reignant nostre souverain prince louys par la  
grace de dieu roy de france et de navarre /  
pardevant moy dict notaire et tesmoings bas  
nommés constitués personnellement les  
susd(its) **jean caillason** **hoste du lieu du born**  
procedant comme her(iti)er her(iti)er de lad(ite) **feue  
guillalmette salesses sa mere, hugues cade  
laboureur** dud(it) lieu procedant aussi comme  
her(iti)er de **feue marye salesses sa mere &  
raymond gourmanel laboureur de monvalen**

.....  
faisant tant pour soy, que pour et au nom de lad(ite)  
**jeanne gourmanelle sa soeur** tous deux her(iti)ers de lad(ite)  
**feue guillaumette salesses leur mere** icelle jeanne  
icy absante & a laquelle promect de f(air)e agréer et  
ratiffier le contenu au p(rese)nt contract quand besoing  
et requis sera sur peyne de respondre de tous  
despans domaiges et( )interestz d'une  
part, et manaud sicard laboureur dud(it)  
lieu de monvalen pour soy d'autre part, lesquelles  
partyes de gré intervenant reciproques stipula(ti)ons  
et accepta(ti)ons soubz le bon plaisir de la cour,  
ont transhigé et accorde & par ces presentes  
tranhigé et accordent premierement que  
les susd(its) proces et differant circonstances &  
deppendances, cesse et( )prend fin par sesd(ites) presentes  
sans que desormais s'en puisse faire aucune  
poursuitte instance ny nouvelle demande de  
part ny d'autre soy despartant et desistant  
respectivement lesd(ites) partyes de la susd(ite) assigna(ti)on

item que tous les biens generalmente quelconq(ues)  
appartenans et deppendans de l heredité de lad(ite)  
feue marye salesses femme dud(it) sicard  
her(iti)ere dud(it) feu anthoine son pere & cousine  
germaine desd(its) caillasson cade et gourmanelz  
seront partages esgallement entre partyes  
desquelz la moityé en appar(tien)dra aud(it) sicard  
en seul & l'autre moityé ausd(its) cade caillasson et

.....  
iii<sup>c</sup> iii<sup>xx</sup> xvii

gourmanelz, pour dors et avant en jouyr f(air)e  
et disposer a( )leurs plaisirs et( )volontes tant en  
la vye qu'en la mort, ensemble sera partagée  
esgallement entre partyes et en lad(ite) forme toute la  
cuillette quy est maintenant ausd(its) biens distraict  
prealablement d icelle la quantitte de sept sacz  
de bled bon et marchant a mesure deud(it) villemur quy  
seront prins et retirés par led(it) sicard avant  
partager pour son remburcement de la semance  
qu'il y employa les couvoisons dernier passés  
ainsi que toutes partyes ont déclaré et accordé  
aussi checun sera tenu de supporter les  
tailles rentes et au(tr)es charges ausquelles sa  
portion desd(its) biens se trouvera subiect ^o sans  
toutesfois que lesd(its) caillasson, cade et gourmanelz  
soient tenus de contribuer en rien au payement du  
legat faict par lad(ite) feue marye salesses  
en faveur d'**anthoine sicard filz dud(it) manaud**  
par son **testament rettenu par led(it) corbeille**  
no(tai)re le susdit jour **vingt sixiesme febvrier**  
**dernier** passé duquel legat led(it) sicard pere  
promect les tenir quittes et deschargés tant  
envers led(it) anthoine son filz que tous au(tr)es  
qu'il appar(tien)dra, pareillement sera et demeurera  
led(it) manaud sicard quitte et deschargé du rapport  
payé et avancé par led(it) caillasson en seul aux

.....  
susd(its) sieurs arbitres et tiers ensemble des droictz  
de leur greffier / et quand aux au(tr)es despans et  
frais faictz respectivement par lesd(ites) partyes, checune  
payera et( )supportera les siens comme bon luy  
semblera sauf ausd(its) cade et gourmanelz a f(air)e  
raison aud(it) caillasson des frais faictz de leur  
costé et( )par icelluy caillasson avances ainsi  
qu'ont accorde / et moyenant ce dessus lesd(ites)  
partyes promettent reciproquement ne soy rien  
plus demander ny faire demander l'un a l'autre

pour raison & a ]~~que dessus~~[ cause de l heredité  
de lad(ite) feue marye salesses ains en seront et  
demeureront quittes / ainsi l'ont convenu et  
accordé & promis respectivement observer sans  
y contrevenir directement ny indirectement et a ces fins  
ont obliges et ypotheques tous et checuns ses biens  
p(rese)ns et advenir qu'ilz ont soumis e toutes  
rigueurs de justice avec les renon(ciations) requises  
et l ont juré par [ser]ement la main levée a  
dieu p(rese)ns pierre boulous pierre amury  
pra(tici)ens vidal pontz **andre daxea** marchand de  
villemur et( )jean satger marchand de bondigoux  
dont lesd(its) boulous maury et( )pontz se sont signes  
avec led(it) calhasson et moy not(aire) requis les au(tr)es  
partyes et tesmoingz ont dict ne savoir ^° doresnavant

J. Cailhassou      Boulous, p(rese)nt      Maury

Pontz                      Bascoul, not(aire)